



In dumënia ai 09.03.2014 él gnü organisé da pêrt dl' Uniun dl Sport Amatoriala da La Val la terza ediziun dla gara de schi alpinism in memorial de Alexander Ellecosta. Les condiziuns tlimatiches ne podô ester damì, le cîl sënza niores à fat da cornîsc al bel evënt sön armentara.

Al start dales 10:00 ite a Spescia se él prejentè plü o manco 50 partezipanç, da chi plö determinà a fà le miù tëmp, a chi che à orü se lascè plö dlaurela y se gode le bel paesaje. La gran novità é stada la categoria de chi che é jüs a pé, daulache al é gnü fat le miù tëmp dl dé (Dapoz Franz - 33:59,02).

Dô da 40 menüć é spò i prüms atleć che é spizurà sö dal travêrd, dan la ütia "Ranch da Andrè". Bel plan é ince spo les mëses pro ütia che se é implides de jënt, ruvada adalerch da deplö païsc dla Val Badia. Canche düc é rovà sö y s' à metü jö pro mësa, él gnü tignì la Santa Mëssa da Siur Franz Sottara.

Dedô él spo stè vigni atlet che à ciafè val da mangé y da bëre y dales 14:00 ti él gnü surandè da pêrt dl presid
diretur dla Cassa Raiffeisen Val Badia Dr. Obwegs Hubert y Toni Ellecosta i pesc
ai atleć
por i miûs t
ë
mps. Laprò éle ince gnü premié le pozer y le t
ëmp ideâl, che é jü a Elisa Pescollerung cun le t
ëmp de 1:01.09,26

Ala fin dla premiaziun ti él ćiamò gnü surandè na picera recordanza ala familia Ellecosta.

Cun chësc bel tëmp é la festa dessigü garatada. Ringraziè uressun düc chi che à daidé organisé l evënt y düc chi che é gnüs adalerch por stè adüm y a inscio daidé abelì la festa.

Chësta gara gnarà spo combinada cun la le **V Memorial de Othmar Costabiei**, organisé dai jogn da Calfosch y Corvara, che gnarà tignì ai 22 de merz
dala staziun a val dl Sotdlisia cina dan la ütia Edelweiss.
Les iscriziuns pò gnì fates on-line sön la plata internet
www.jogn-cc.it

cina les 21:00 dl dé denant, vëindres 21 de merz. Al vëgn tut sö cina 170 partezipënç.

Deplö informaziuns sura la manifestazion: [V Memorial Othmar Costabiei](#)

Por odëi la tlassifica dla terza ediziun dl memorial de Alexander Ellecosta drüca: [tlassifica](#)

















 **Raiffeisen**

Cassa Raiffeisen Val Badia

www.valbadiaonline.it

III Memoriale di gare di sci alpinismo in memoria di Alexander Ellecosta - 2014